



**REPHABOLIKI YA AFRIKA BORWA
LETSETE LA PENSHENE LA BASEBELETSI BA MMUSO**

La 1 Lwetse 2011

Mopenshenara ya kgabane,

**Ho kenya sistimi ya *Netefatso ya Boiketsetso ya Bophelo (Auto-Life Verification (ALV))* tshebetsong
sebakeng sa Disetifikeiti tsa Bophelo ho tloha ka la 1 Mphalane 2011**

Boto ya Botsamaisi ya Letsete la Penshene la Basebeletsi ba Mmuso (GEPF) e amohetse phetolo ya ho fana ka Disetifikeiti tsa Bophelo ka letsoho ho mapenshenara a dulang Afrika Borwa, hore e sebetse mokgwa wa boiketsetso wa ho ntjhafatsa boemo ba bophelo ho tloha ka la 1 Mphalane 2011. Sena se tsamaellana le morero wa GEPF wa ho netefatsa phano e potlakileng hape e sebetsang hantle ya melemo.

Sistimi e ntjha e tla bitswa Netefatso ya Boiketsetso ya Bophelo mme e tla netefatsa boemo ba bophelo ba mopenshenara ka tshebedisanommoho le Lefapha la Ditaba tsa Lehae la Afrika Borwa (DHA). Mapenshena a nang le tokomane ya boitsebiso (ID) ya Afrika Borwa e leng tshebetsong, hape ba dula kahare ho Afrika Borwa ka nako yohle, ha a sa tla fumana Setifikeiti sa Bophelo ho tswa GEPF. Sena se bolela hore mapenshenara ana ha a na ho lokela ho etela Mohlapantshi ka bo bona ho ya netefatsa boemo ba bona ba bophelo hore ba tle ba tswelopele ho fumana penshene ya bona ya kgwedi.

Mapenshenara a dulang a kantle ho meedi ya Afrika Borwa, hammoho le bao boemo ba bona ba bophelo bo sa kgoneng ho netefatswa ke Lefapha la Ditaba tsa Lehae, ba tla fumana foromo e ntjha ya pampiri ya Netefatso ya Bophelo e ntseng e hloka ho tlatswa le ho hlapantshwa ke Mohlapantshi ho latela tshebetso ya hajwale ya Netefatso ya Bophelo. Mapenshenara ohle a fumanang foromo e ntjha ya Netefatso ya Bophelo ba tla fumana foromo e le nngwe feela ka selemo, ho sa natswe palo ya melemo eo ba e fumanang.

Disetifikeiti tsohle tsa Bophelo tse ntshitsweng hape tsa amohelwa ke mapenshenara pele ho la 1 Mphalane 2011 (pele ho kenyo ya sistimi e ntjha ya ALV), di ntse di lokela ho busetswa GEPF bakeng sa ho kengwa tshebetsong le tswelopele ya ditefo tsa penshene pele ho letsatsi le boletsweng Setifikeiting ka seng sa Bophelo. Tlholeho ya ho etsa sena e ka baka hore ditefo tsa penshene di emiswe.

Bakeng sa dipotso dife kapa dife, ikopanye le Setsi sa Mehala sa GEPF ka mohala wa mahala ho 0800 117 669 kapa o etele ofisi e haufi le wena ya GEPF.

Ka boikokobetso,

Phineas Tjie

Mookamedi

Setsi tsa Tsamaiso ya Dipenshene tsa Mmuso (GPAA)

(E tsamaisang dipenshene bakeng sa GEPF)